

1322/20-1030

Jasmina H.

14-09-2020

U.

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
Služba za ekologiju, komunalne i inspekcijske poslove

Broj: 09-45-9503-1/20 JC
Zenica, 08.09.2020.godine

STRUČNA SLUŽBA GRADSKOG VIJEĆA

PREDMET: Izvještaj o realizaciji ulaganja u oblast vodoprivrede na području Grada Zenica za 2019. godinu, - dostavlja se

Poštovani,

U prilogu ovog dopisa dostavljamo vam Izvještaj o realizaciji ulaganja u oblast vodoprivrede na području Grada Zenica za 2019. godinu, kako bi isti bili pripremljeni za narednu sjednicu Gradskog vijeća.

S poštovanjem,

Pripremio: Jasmin Čabaravdić, dipl. inž. maš.

Jasmin Č.

PRILOG:

- Izvještaj o realizaciji ulaganja u oblast vodoprivrede na području Grada Zenica za 2019. g.

DOSTAVLJENO:

1x Naslovu
1x a/a



POMOĆNICA GRADONAČELNIKA

Sabira Helvida, dipl.inž.građ.

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
GRAD ZENICA

Obradivač:
Služba za ekologiju, komunalne i
inspekcijske poslove

**IZVJEŠTAJ O REALIZACIJI ULAGANJA U
OBLAST VODOPRIVREDE ZA 2019. GODINU**



Zenica, august 2020. godine

I UVOD

U cilju realizacije obaveza Službe za ekologiju, komunalne i inspekcijske poslove utvrđenih Programom rada Gradskog vijeća Zenica za period 01.07. do 31.12.2020.godine sačinjen je Izvještaj o realizaciji ulaganja u oblasti vodoprivrede za 2019. godinu.

Izvještajem je obuhvaćena analiza ulaganja u oblast vodoprivrede u skladu sa projektima izrađenim radi provođenja aktivnosti na unaprijeđenju sistema vodosnadbijevanja, odvodnje otpadnih voda i projektima koji se odnose na zaštitu od štetnog djelovanja voda, te njihovo finansiranje.

Projekti iz oblasti vodoprivrede finansiraju se iz:

- 1) sredstava Budžeta Grada Zenica,
- 2) sredstava vodnih naknada koja pripadaju Gradu Zenica na osnovu Zakona o vodama Zeničko-dobojskog kantona ("Službene novine Zeničko-dobojskog kantona", broj 17/07), a visina istih utvrđuje se planom i programom Ministarstva za poljoprivredu, šumarstvo i vodoprivredu Zeničko-dobojskog kantona,
- 3) sredstava donatora.

II REALIZACIJA ULAGANJA U OBLASTI VODOPRIVREDE U 2019.GODINI

1. Sredstva Budžeta Grada Zenica

1.1. Čišćenje i uređenje vodotoka II kategorije

U cilju zaštite imovine i infrastrukture od štetnog djelovanja voda, svake godine se planira čišćenje i sanacija vodotoka II kategorije devastiranih nakon obimnih padavina.

Tokom 2019. godine, izvedeni su radovi na održavanju, uređenju obala i korita potoka u naselju Šiblići, potoka Lužnice u MZ Varda, Džulanovog i Ciganskog potoka u MZ Perin Han, rijeke Kočeve u naselju Kozarci u MZ Lokvine i Babine rijeke u naselju Kasapovići u MZ Donje Babino.

Za potrebe redovnog održavanja, uređenja obala i korita rijeka i potoka na području Grada Zenica, iz Budžeta Grada Zenica za 2019. godinu, utrošena su sredstva u iznosu od 39.315,25 KM.

- a) Čišćenje rijeke Kočeve u naselju Kozarci
Izvršeno mašinsko čišćenje nanosa iz korita rijeke Kočeve u naselju Kozarci u dužini cca 100 metara.




Čišćenje rijeke Kočeve u naselju Kozarci

- b) Perin Han-Ciganski potok-propust na M17
Na lokaciji Ciganskog potoka u mjesnoj zajednici Perin Han izvršeno je čišćenje pločastog propusta na M17 u dužini od 16 metara



Čišćenje propusta na M17, Ciganski potok, MZ Perin Han

- c) Sanacija obala Babine rijeke u naselju Kasapovići
Izvršena je nabavka i ugradnja krupnog kamenog nabačaja kao zaštita obale Babine rijeke kod društvenog doma u naselju Kasapovići u dužini 60 metara.



Sanacija obala Babine rijeke u naselju Kasapovići

- d) Sanacija obala Babine rijeke u naselju Hajkovići
Izvršeno mašinsko čišćenje nanosa iz korita Babine rijeke u naselju Hajkovići u dužini cca 200 metara



Sanacija obala Babine rijeke u naselju Hajkovići

1.2. Rekonstrukcija i investiciono održavanje vodovodne i kanalizacione mreže i izgradnja objekata za zaštitu od poplava

Na ime realizacije projekata rekonstrukcije i investicionog održavanja vodovodne i kanalizacione mreže kao i izgradnje objekata za zaštitu od poplava iz Budžeta Grada Zenica za 2019. godinu utrošena su finansijska sredstva u ukupnom iznosu od 375.436,22 KM, dok su započeti projekti čija realizacija je u toku a ukupna vrijednost istih iznosi 677.041,23 KM.


Status realizacije navedenih projekata je prikazan u tabeli broj 1.

Tabela broj 1

Redni broj	Predmet Ugovora	Iznos (sa pdv – om)	Status projekta:
1.	Izgradnja vodovoda Gorica (prenos iz 2018. godine)	2.307,65	Realizovano
2.	Izgradnja fekalne kanalizacije uz Starinsku rijeku-Topčić polje (prenos iz 2018. godine)	40.815,43	Realizovano
3.	Sanacija vodovodne i kanalizacione mreže u naseljima Šušanj, Krč i Donja Vraca (prenos iz 2018. godine)	11.650,20	Realizovano
4.	Izgradnja kanalizacije Podurije (prenos iz 2018. godine)	20.162,65	Realizovano
5.	Izgradnja dijela kanalizacije Čajdraš-Stranjani u MZ Lokvine	28.007,50	Realizovano
6.	Sanacija dijela fekalne kanalizacije Lašvanske ulice - MZ Drivuša	3.428,00	Realizovano
7.	Izgradnja dovodnog cjevovoda za naselje Grm i Lokvine (materijal)	269.064,79	Realizovano
8.	Izgradnja dijela fekalne kanalizacije u MZ Perin han	135.667,35	Realizacija projekta je u toku.
9.	Izgradnja i sanacija fekalne kanalizacije u naselju Ljubetovo, MZ Vranduk	28.360,38	Realizovano u 2020. g.
10.	Ugovor o izvođenju radova na ucjevljenju potoka u naselju Talami	44.103,26	Ugovor od 04.07.2019. godine a razmatra se mogućnost raskida istog.
11.	Ugovor o izvođenju radova na izgradnji dijela fekalne kanalizacije sliva potoka Mokušnice u MZ Vražale	40.949,52	Realizovano u 2020. g.
12.	Izgradnja vodovoda Margita	126.008,14	Realizacija projekta je u toku.
13.	Sanacija kaptaže Mala ravan vodovoda Šerići	42.218,44	Realizovano u 2020. g.
14.	„Izgradnja pregrada na vodotocima Baretnjak i Ciganski potok u Topčić polju“ (prenos iz 2018. godine)	12.864,14	Realizovano u 2020. g.
15.	Regulacija dijela Ciganskog potoka u Perinom Hanu	246.870,00	Raniji Ugovor je raskinut, te je u proceduri zaključivanje novog Ugovora
UKUPNO:		1.052.477,45	

a) Izgradnja vodovoda Gorica

Završeni radovi na ugradnji vodovodne fazonerije u zasunskim oknima te izgradnja odvodnog cjevovoda za odvodnju podzemnih voda iz okana.



Izgradnja vodovoda Gorica

b) Izgradnja fekalne kanalizacije uz Starinsku rijeku - Topčić polje

Izgrađena fekalna kanalizacija uz Starinsku rijeku - Topčić polje do posljednjeg stambenog objekta uz lokalni put Topčić Polje - Starina. Dužina kanalizacije je 425 m. Fekalni kolektor izgrađen PEHD triplex kanalizacionim cijevima Ø 300 mm, sa sedam revizionih okana.



Izgradnja fekalne kanalizacije uz Starinsku rijeku - Topčić polje

c) Sanacija vodovodne mreže u naselju Šušanj

U cilju sanacije i izmještanja dovodnog cjevovoda sa prostora klizišta, za naselje Šušanj izvršena isporuka i ugradnja 800 metara PEHD cijevi Ø2".



Sanacija vodovodne mreže u naselju Šušanj

d) Sanacija vodovodne mreže u naselju Donja Vraca

Izrađen priključni cjevovod za tri stambena objekta, vodovodnim cijevima Ø 1" u dužini od 200 metara, sa potrebnim spojnim materijalom.



Sanacija vodovodne mreže u naselju Donja Vraca

e) Sanacija kanalizacione mreže u naselju Krč

U svrhu sanacije dijela fekalne kanalizacije u naselju Krč izvršena isporuka i ugradnja polietilenskih korugovanih cijevi SN-8 prečnika Ø 250 mm dužine 48 metara.



Sanacija kanalizacione mreže u naselju Krč

f) Izgradnja kanalizacije Podurije

Za potrebe naselja Podurije završena je izgradnja fekalne kanalizacije u trupu ceste za Podurije u dužini od 297 m, sa PEHD triplex cijevima Ø 200 mm. U sklopu izgradnje glavnog odvodnog kolektora izvršeno je priključenje mještana koji gravitiraju ovoj kanalizaciji.



Izgradnja kanalizacije Podurije

g) Izgradnja dijela kanalizacije Čajdraš-Stranjani u MZ Lokvine

Za potrebe MZ Lokvine izvršena je izgradnja dijela glavnog kolektora fekalne kanalizacije u dužini od cca. 200 metara cijevima Ø 400 sa šest okana. Izgradnja fekalne kanalizacije je obavljena u sklopu rekonstrukcije regionalne ceste kroz naselje Lokvine.



Izgradnja dijela kanalizacije Čajdraš-Stranjani u MZ Lokvine

h) Sanacija dijela fekalne kanalizacije Lašvanske ulice - MZ Drivuša

Za potrebe sanacija dijela fekalne kanalizacije Lašvanske ulice - MZ Drivuša, izvršena isporuka i ugradnja 200 m korugovanih kanalizacionih cijevi Ø 200 mm.



Sanacija dijela fekalne kanalizacije Lašvanske ulice - MZ Drivuša

i) Izgradnja dijela dovodnog cjevovoda za naselje Grm i Lokvine (materijal)

Obezbjedene vodovodne cijevi za izgradnju dovodnog cjevovoda za naselje Lokvine. Radove na terenu izvelo JP „Vodovod i kanalizacija“ d.o.o. Zenica.



Izgradnja dijela dovodnog cjevovoda za naselje Grm i Lokvine (materijal)

j) Izgradnja pregrada na vodotocima Baretnjak i Ciganski potok u Topčić polju

Izvedeni radovi na izgradnji potpornog zida i nove pregrade, te radovi na sanaciji postojeće pregrade na početku regulisanog dijela Ciganskog potoka.



Izgradnja pregrada na vodotocima Baretnjak i Ciganski potok u Topčić polju

Nerealizovani projekti odnosno projekti čija se realizacija očekuje u 2020. godini, rezultat su kašnjenja usvajanja Programa utroška sredstava iz oblasti vodoprivrede te se samim tim kasnilo i sa pokretanjem procedura javnih nabavki za izbor izvođača radova.

Po okoćanju postupaka javnih nabavki, nastupio je period nepovoljnih vremenskih uslova (jesen-zima) što je takođe razlog kašnjenja u realizaciji navedenih projekata u 2019. godini. Realizacija predmetnih projekata koji su započeti ili krajem 2019. ili početkom 2020. godine očekuje se tokom 2020. godine.

2. Utrošak sredstava vodnih naknada

Dana 18.07.2019. godine, zaključen je Sporazum o zajedničkom učešću u realizaciji projekata iz "Programa utroška sredstava vodnih naknada za 2019. godinu – Finansiranje izgradnje ili rekonstrukcije vodnih objekata od općinskog značaja - zaštitni vodni objekti, vodni objekti za korištenje voda i vodni objekti za zaštitu voda uključujući izradu projektne dokumentacije" sa Ministarstvom za poljoprivredu, šumarstvo i vodoprivredu Zeničko – dobojskog kantona, za vrijednost projekata u ukupnom iznosu od 1.455.000,00 KM, koje prikazuje tabela broj 2.

Tabela broj 2.

Red. broj	Projekat / MZ – naselje	Predmet Ugovora/ Opis radova	Odobrena sredstva za ulaganja u Programu utroška za 2019.godinu	Status projekta
1.	Vodovod Smajići	Završetak radova na rekonstrukciji vodovoda Smajići i plaćanje okončane situacije (Napomena: navedeni projekat je realizovan na osnovu Programa utroška sredstava vodnih naknada za 2016. godinu)	6.086,83	Realizovan
2.	Topčić polje	Završetak radova na izgradnji pregrada na vodotocima Baretnjak i Ciganski potok i regulacija dijela korita Starinskog potoka radi zaštite naselja Topčić Polje od bujičnog nanosa (Napomena: navedeni projekat je realizovan na osnovu Programa utroška sredstava vodnih naknada za 2016. godinu)	45.121,29	Realizacija projekta započeta u 2019. – toj godini, a plaćanje po okončanoj situaciji izvršeno u 2020. godini.
3.	Kanalizacija Perin Han	Izgradnja kanalizacije (Kelave, Jozići, Gornja Vraca)	80.000,00	Nije ugovoreno
4.	Razvodna mreža vodovoda MZ Briznik	Izgradnja razvodne mreže iz pet izgrađenih rezervoara	170.000,00	Nije ugovoreno

5.	Rekonstrukcija vodovoda Gladovići	Izgradnja muljnih, zračnih i vodomjernih okana sa priključcima (nabavka pumpe i spajanje kablom sa plovkom u rezervoaru)	80.000,00	Nije ugovoreno
6.	Rekonstrukcija vodovoda Vukotići	Izgradnja razvodne mreže iz rezervoara	70.000,00	Nije ugovoreno
7.	Regulacija potoka Baretnjak	Regulacija potoka	100.000,00	Nije ugovoreno
8.	Regulacija Ciganskog potoka - Stranjani	Regulacija potoka	90.000,00	Nije ugovoreno
9.	Kanalizacija Putovići	Izgradnja kanalizacije	60.000,00	Nije ugovoreno
10.	Ucjevljenje potoka u naselju Dobriljeno / MZ Dobriljeno	Radovi na ucjevljenu potoka u naselju Dobriljeno	30.000,00	Odustalo se od projekta zbog neriješenih imovinsko-pravnih odnosa
11.	Kanalizacija Gornja Zenica	Izgradnja dijela fekalne kanalizacije u Gornjoj Zenici	60.000,00	Nije ugovoreno
12.	Rekonstrukcija vodovoda Džomba	Rekonstrukcija pumpne stanice i završetak radova u rezervoaru $V=200m^3$	90.000,00	Nije ugovoreno
13.	Rekonstrukcija vodovoda Kršćanac	Izgradnja kaptaža, rezervoara i dijela razvodne mreže	60.000,00	Nije ugovoreno
14.	Rekonstrukcija vodovoda Kovačići	Rekonstrukcija vodovoda	50.000,00	Ugovoreno Grad
15.	Čišćenje i sanacija korita Babine rijeke, Kočeve, Gračaničke rijeke, Orahovičke rijeke, Bistričaka	Čišćenje i sanacija korita i obaloutvrda na vodotocima	100.000,00	Ugovoreno Grad
16.	Izrada obaloutvrde u koritu Selačke rijeke radi zaštite lokalnog puta Seoci – Živkovići	Nastavak sanacije obaloutvrde	80.000,00	Ugovoreno Grad

17	Kanalizacija Werostin put	Izgradnja od desnoobalnog kolektora do izgrađenog dijela kanalizacije	90.000,00	Odustalo se od projekta zbog neriješenih imovinsko-pravnih odnosa
18	Kanalizacija sliva potoka Mokušnice-Vražale	Izgradnja kanalizacije	90.000,00	Ugovoreno Grad
19	Izgradnja kanalizacije Pepelari / MZ Pepelari	Izgradnja dijela kanalizacije naselja Pepelari	60.000,00	Ugovoreno Grad
20	Plava voda		95.000,00	
UKUPNO:			1.455.000,00	

U toku 2019. godine realizovan je jedan projekat u ukupnoj vrijednosti od 6.086,83 KM. Shodno Dodatku Sporazuma od 27.09.2019. godine kojeg je Ministarstvo za poljoprivredu, šumarstvo i vodoprivredu ZDK ponudilo Gradu Zenica, u skladu sa Zaključkom Vlade Zeničko – dobojskog kantona, a kojim se poslovi provođenja postupka javne nabavke za određene projekte prenose na Grad Zenicu, Grad Zenica je proveo procedure javnih nabavki za 7 projekata, od čega je ugovorena realizacija za 5 projekata u ukupnoj vrijednosti od 549.191,05 KM.

Ministarstvo za poljoprivredu, šumarstvo i vodoprivredu Zeničko – dobojskog kantona provelo je procedure javnih nabavki za 8 projekata, od čega je ugovorena realizacija 1 projekta, ali je isti naknadno poništen.

Naime, u 2019. godini Sporazum o zajedničkom učešću u realizaciji projekata iz “Programa utroška sredstava vodnih naknada za 2019. godinu – Finansiranje izgradnje ili rekonstrukcije vodnih objekata od općinskog značaja zaštitni vodni objekti, vodni objekti za korištenje voda i vodni objekti za zaštitu voda uključujući izradu projektne dokumentacije” potpisan je 18.07.2019. godine, a Dodatak sporazuma tek 27.09.2019. godine, bez obzira što je prijedlog projekata s naše strane dostavljen nadležnom kantonalnom ministarstvu još 23.04.2019. godine.

Zbog kasnog potpisivanja gore navedenog Sporazuma i Dodatka Sporazuma te obavezu poštivanja zakonom propisanih procedura javnih nabavki, realizacija većine projekta iz Programa utroška sredstava vodnih naknada za 2019. godinu, nije ni započeta u izvještajnom periodu.

Na nelogičnosti u navedenoj proceduri, na neophodnost pojednostavljenja iste kao i na potrebu obezbjeđenja principa transparentnosti podjele sredstava vodnih naknada, smo u više navrata ukazivali nadležnom kantonalnom ministarstvu.

3. Sredstva donatora - Fond za zaštitu okoliša Federacije BiH

Za potrebe izvođenja radova na regulaciji dijela Selačke rijeke, u dužini od 120 metara, izdvojeno je 81.871,92 KM., što je bio jedan od projekata (su)finansiranih od strane Fonda za zaštitu okoliša FBiH a u okviru realizacije Ugovora “Sanacija klizišta, putne infrastrukture i riječnih korita u slivu Babine rijeke”, broj: 02-14-739/18-1 od 18.01.2018. godine.

Sredstva u iznosu od 14.574,56 KM utrošena su po osnovu Ugovora o izvođenju radova na sanaciji vodovoda Jastrebac, broj: 02-1905-7/18 od 17.12.2018. godine

Radovi na regulaciji dijela korita Selačke rijeke

a) Prije početka izvođenja radova



b) Nakon završetka izvođenja radova



III REKAPITULACIJA

Ukupna novčana ulaganja u oblast vodoprivrede u 2019. godini iznose 517.284,78 KM što je vidljivo iz zbirne tabele broj 4.

Tabela broj 4.

Red. broj	Izvor finansiranja i oblast	Ukupna ulaganja / KM
1.	Iz vlastitih sredstava obezbijeđenih u Budžetu Grada Zenica za 2019. godinu	414.751,47
2.	Po osnovu utroška sredstava vodnih naknada	6.086,83
3.	Sredstava donatora - Fond za zaštitu okoliša Federacije BiH	96.446,48
	Ukupno:	517.284,78

Rezultat provedenih aktivnosti koje su prikazane ovim Izvještajem ogleda se u obezbjeđenju materijala i izgradnji novih 2900 metara vodovodne mreže, novih cca. 1200 metara kanalizacione mreže i cca. 375 metara uređenih, saniranih riječnih korita sa svim pripadajućim elementima čijim korištenjem će se postići bolji zdravstveni, higijenski i sigurni uslovi življenja za krajne korisnike.



POMOĆNICA GRADONAČELNIKA

Sabira Helvida, dipl. ing. građ.